



10392

題酒邊詞

詞曲者古樂府之末造也古樂府者詩之旁流也詩出于離騷楚詞而離騷者變風變雅之態唐詩話云傷者也其發乎情則同而止乎禮義則異名曰曲以其曲盡人情耳方之曲藝猶不逮焉其去曲禮則益遠矣然文章豪放之士鮮不寄意於此者隨亦自掃其跡曰謔浪遊戲而已也唐人爲之最工者柳耆卿後出掩眾製而盡其妙好之者以爲不可復加及眉山蘇氏一洗綺羅香澤之態擺脫綢繆宛轉之度使人登高望遠舉首高歌而逸懷浩氣超然乎塵垢之外於是花間爲皂隸而柳氏爲輿臺矣薊林居士步

酒邊詞序

趨蘇堂而嚙其馘者也觀其退江北所作於後而進江南所作於前以枯木之心幻出葩華酌元酒之尊棄置醇味非染而不色安能及此余得其全集於公之外孫汶上劉荀子卿反復厭飫復以歸之因題其後公宏才偉績精忠大節在人耳目固史載之矣後之人昧其平生而聽其餘韻亦猶讀梅花賦而未知宋廣平歟武夷胡寅題

酒邊詞目錄

江南新詞

滿庭芳 二調

驀山溪 三調

水龍吟 二調

八聲甘州 二調

水調歌頭 三調

洞仙歌 一調

滿江紅 一調

虞美人 四調

蝶戀花 二調

鷓鴣天 十二調

減字木蘭花 二調

阮郎歸 一調

秦樓月 一調

少年遊 一調

西江月 六調

南鄉子 一調

浣溪沙 十二調

生查子 一調

酒邊詞目

臨江仙 一調

七娘子 一調

減字木蘭花 二調

清平樂 七調

更漏子 一調

點絳脣 十七調

採桑子 一調

一落索 一調

如夢令 二調

卜算子 五調

三字令 一調

長相思 一調

南歌子 一調

減字木蘭花 一調

南歌子 三調

桂殿秋 一調

朝中措 一調

菩薩蠻 一調

好事近 二調

減字木蘭花 六調

江北舊詞

滿庭芳 一調

水調歌頭 一調

梅花引 二調

帶人嬌 一調

玉樓春 二調

鷓鴣天 五調

踏莎行 一調

鵲橋仙 一調

虞美人 四調

更漏子 二調

鵲橋仙 一調

南歌子 一調

鵲橋仙 一調

南歌子 二調

卜算子 一調

菩薩蠻 三調

南歌子 一調

減字木蘭花 一調

秦樓月 一調

生查子 六調

望江南 一調

浣溪沙 一調

酒邊詞目

西江月 一調

點絳脣 一調

醜奴兒 一調

如夢令 一調

好事近 二調

採桑子 一調

清平樂 一調

浣溪沙 十三調

相見歡 三調

酒邊詞卷上

宋 向子諲

江南新詞

滿庭芳

巖桂風韻高古平生心醉其間昔轉漣淮南嘗手植堂下薌林此花為多戲作

是詞當邀徐師川諸公同賦

月窟蟠根靈巖分種絕知不是塵凡瑠璃翦葉金粟  
綴花繁黃菊周旋避舍友蘭蕙羞殺山樊清香遠秋  
風十里鼻觀已先參 酒闌聽我語平生半是江北  
江南經行處無窮綠水青山常被此花相惱思共老  
結屋中間不因著薌林底事游戲到人寰

又

巖桂薌林改張元功所作

酒邊詞卷上

瑟瑟金風團團玉露巖花秀發秋光水邊一笑十里  
得清香疑是蕊宮仙子新妝就嬌額塗黃霜天晚妖  
紅麗紫回首總堪傷 中央孕正色更留明月偏照  
何妨便高如蘭菊也讓芬芳輪與薌林居士微吟罷  
開據胡牀須知道天教尤物相伴老江鄉

驀山溪

紹興乙卯大雪行鄱陽道中

踏田銀海皓色難為對琪樹照人間曉然是華嚴境  
界萬年松徑一帶舊峯巒深掩覆密遮藏三昧光無  
礙 金毛獅子打就休驚怪片片上紅爐且不可將  
情作解有無不道低絕去來今明即暗暗還明只個  
長不昧

又王明之曲薊林易  
置十數字歌之

挂冠神武來作煙波主千里好江山都盡是君恩賜

與風勾月引催上泛宅時泛宅即公所賜舟也上批云泛宅可永充子語乘坐

因名其舟曰泛宅酒傾玉鱸堆雪總道神仙侶 蓑衣蒹笠

更著些兒雨橫笛兩三聲晚雲中驚鷗來去欲煩妙

手寫入散人圖蝸角名蠅頭利著甚來由願

又老妻生日作十一月朔七日

一陽才動萬物生春意試說與宮梅到東閣花枝第

幾疎疎淡淡冷豔雪中明無俗調有真香正與人相

倚 怕煙怕霧瑞色門闌喜再拜引杯長看兩頰紅

潮欲起天教難老風鬢綠如雲對玉筍與薊林歲歲

酒邊詞卷上

一一

花前醉

水龍吟紹興甲子上有懷京師

華燈明月光中綺羅絃管春風路龍如駿馬車如流

水輭紅成霧太乙池邊葆真宮裏玉樓珠樹見飛瓊

伴侶霓裳縹緲星回眼蓮微步 笑入綵雲深處更

冥冥一簾花雨金鈿半落寶釵斜墜乘鸞歸去醉失

桃源夢回蓬島滿身風露到而今江上愁山萬疊鬢

絲千縷

又甲子季冬丁亥冒雪與晁叔異劉子駒兄弟

皆北客同上雪臺登連輝觀梁使君遣酒仍

與北梨俱醉薊林堂上行鳥路踏雪驚鷺梨

無路東南偶共期穿林行鳥路踏雪驚鷺梨

吳大年方病起不能同此樂得大年水

龍吟詞過之夜歸月色如畫亦賦一首

夢回寒人衾裯曉驚忽墮瑤林裏穿帷透隙落花飛  
絮難窮巧思著帽披裘挈壺呼友倚空臨水望瓊田  
不盡銀濤無際浮皓色來天地 遙想吳郎病起政  
冷窗微吟擁鼻持牋贈我新詞絕唱珠零玉碎餘興  
追遊清芬坐對高談傾耳晚歸來風掃停雲萬里月  
華如洗

八聲甘州

中秋前數夕  
久雨方晴

恨中秋多雨及晴景追賞且探先縱玉鉤初上冰輪  
未正無素嬋娟飲客不來自酌對影亦清妍任笑菊  
林老雪鬢霜髯好在章江西畔有淩雲玉筍空翠  
相連懶崎嶇林麓則窈窕溪邊自斷此生休問願願  
甕中長有酒如泉人世間是誰得似月下尊前

酒邊詞卷上

三

甕中長有酒如泉人世間是誰得似月下尊前

又

丙寅中秋對月

掃長空萬里淨無雲飛鏡上天東欲騎鯨與問一株  
丹桂幾度秋風取水珠宮貝闕聊爲洗塵容莫放素  
娥去清影方中 立魄猶餘半璧便笙簧萬籟尊俎  
千峰况十分端正更鼓舞衰翁恨人生時乎不再未  
轉頭歡事已沈空多酌我歲華好處浩意無窮

水調歌頭

大觀庚寅閏八月秋薈林老顧子美  
汪彥章蒲庭鑑時在諸公幕府間從

游者洪駒父徐師川蘇卽固及李商老兄弟  
是夕登臨賦咏樂甚俯仰三十九年所存者  
余與彥章耳紹興戊辰再聞感時撫事爲  
之太息因取舊詩中師川一二語作是詞

閏餘有何好一年雨中秋補天修月人去千古想風

流少日南昌幕下更得洪徐蘇李快意作清遊送日  
眺西嶺得月上東樓 四十載兩人在總白頭誰知  
滄海成陸萍跡落南州忍問神京何在幸有薊林秋  
露芳氣襲衣裘斷送餘生事唯酒可忘憂

又

靈隱寄云與洛濱老人及筠翁過景樂堂醉中秋月用韻諷有妙唱得賦一首庶異時不生客耳

我生六十四度閏中秋碧天千里如水明月更如  
流照我洛濱詩伯攜手仙卿塵隱閨苑與同遊人醉  
玉相倚不肯下瓊樓 薊林老章江上幾回頭賸欲  
控鶴瀛海聊下越王州直入白雲深處細酌仙人九  
醞香霧儘侵裘共看一笑粲以寫我心憂

酒邊詞卷上

四

又再用前韻  
答任令尹

飄飄任公子爽氣欲橫秋向日攜詩過我知不是凡  
流築室清江西畔巧占一川佳處勝士曰追遊邀我  
出門去拉月上新樓 爛銀盤從樹杪出雲頭好是  
風流從事同醉入青州須信人生如幻七十古來稀  
有錯得幾狐裘誰似薊林老無喜亦無憂

洞仙歌

秋

碧天如水一洗秋容淨何處飛來大明鏡誰道斫卻  
桂應更光輝無遺照寫出山河倒影 人猶苦餘熱  
肺腑生塵移我超然到三境問姮娥緣底事有盈虧  
煩玉斧運風重整教夜夜人世十分圓待拚卻長年

醉了還醒

滿江紅

奉酬曾端伯使君兼簡趙若虛監郡

雁陣橫空江楓戰幾番風雨天有意作新秋令欲塵  
殘暑籬菊巖花俱秀發清芬不斷來窗戶共驩然一  
醉得黃昏仍叔度尊前事塵中去拈花問無人語  
薌林顧靈照笑撫庭樹試舉似虎頭城太守想應會  
得立玄處老我來懶更作淵明閒情賦

虞美人

與趙正之宛邱執別俯仰十有餘年忽漫相逢又爾語別作是詞以送

淮陽堂上曾相對笑把姚黃醉十年離亂有深憂白  
髮蕭蕭同見渚江秋履聲細聽知何處欲上星辰  
去清寒初溢暮雲收更看碧天如水月如流

酒邊詞卷上

五

又

明年過彭蠡遇大風行巨浪中用前韻寄趙正之及洪州李相公兼示開元栖隱二老

銀山堆裏蘆山對舟子愁如醉笑看五老了無憂大  
覺胸中雲夢氣橫秋若人到得歸元處定一齊銷  
去直須聞見泯然收始知大江東注不會流

又

中秋與二三禪子方誦十玄談趙正之復以長短句見寄乃用其韻語答之

澄江霽月秋無對龜酒何須醉久憐貧病不堪憂誰  
識此心如月正含秋再三滌漉方知處試向波心  
去迢迢空劫勿能收漫道從來天地與同流

又

梅花盛開走筆戲呈韓叔夏司諫

江頭苦被梅花惱一夜霜須老誰將冰玉比精神除  
是凌波卻月見天真情高意遠仍多思只有人相

似滿城桃李不能春，獨向雪花深處露花身。

蝶戀花

和曾端伯使君  
用李久善韻

洲上百花如錦繡，水滿池塘，更作濺濺溜斷送風光。  
惟有酒苦吟，不怕因詩瘦。尋壑經邱，長是久晚晚。  
歸來稚子柴門候，萬事付之醒夢後，眉頭不為閒愁  
皺。

又

百花洲老桂盛開，張師明程德遠攜酒  
來醉花下有唱酬，蝶戀花亦次其韻。

巖桂秋風南隸路，牆外行人十里香，隨步此是薜林。  
遊戲處誰知，不向根塵住。今日對花非浪語，憶昨  
明光早荷君玉，顧生怕青蠅輕點汙，思鱸何似思花  
去。

酒邊詞卷上

六

鷓鴣天

壽太夫人

戲綵堂深翠幕，張南颺特地作微涼。葵花向日枝枝  
似萱草，忘憂日日長。門有慶福無疆，老人星共酒  
生光。殷勤更假天吳手，傾瀉西江入壽觴。

又

番禺齊安郡王  
席上贈故人

台隸初逢兩妙年，瑤林玉樹倚風前。疎梅影裏春同  
醉，紅菱香中月一船。長悵恨，短姻緣，空餘蝴蝶夢  
相連。誰知瘴雨蠻煙地，重上襄王玳瑁筵。

又

豫章郡  
王席上

兩個鴛鴦波上來，一綈楊柳掌中迴。已愁共雪因風  
去，更著繁絃急管催。含淺笑，勸深杯，桃花氣暖眼

邊開司空常見風流慣輸與山翁醉玉摧

又紹興已未歸休後賦

露下風前處處幽官黃如染翠如流誰將天上蟾宮樹散作人間水國秋 香郁郁思悠悠幾年魂夢繞江頭今朝得到薌林醉白髮相看萬事休

又舊史載白樂天歸洛陽得楊常侍舊第有林泉之致占一擲之勝薌林居士卜築清江乃

楊遵道光祿故居也昔文安先生之所可而竹木池館亦甚似之其子孫與西蘇山茲從遊所謂百花洲者因東坡而得各嘗爲絕句以紀其事復戲廣其聲爲是詞云

莫問清陽與洛陽山林總是一般香兩家地占西南勝可是前人例姓楊 石作枕醉爲鄉藕花菱角滿池塘雖無中鳥霓裳奏獨鶻隨人意自長

酒邊詞卷上

七

又有懷京師上元與韓叔夏司諫王夏卿侍郎曹仲聲少卿同賦

紫禁煙花一萬重鰲山宮闕隱晴空玉皇端拱彤雲上人物嬉遊陸海中 星轉斗駕回龍五侯池館醉春風而今白髮三千丈愁對寒燈數點紅

又戲韓叔夏

只有梅花似玉容雲窗月戶幾尊同見來照眼明如水欲去愁眉淡遠峯 山萬疊水千重一雙蝴蝶夢能通都將淚作梅黃雨盡把情爲柳絮風

又老妻生日

玉篆題名在九天而今且作地行仙挂冠神武歸休後同醉薌林是幾年 龜游泳鶴蹠躑躅梅修竹雨

清妍欲知福壽都多少早閣清江可比肩

又詠紅梅

江北江南雪未消此花獨步百花饒青枝可愛難爲  
杏綠葉初無不是桃 多態度足風標蕊珠仙子醉  
紅潮絕憐野外橫斜處似與薜林慰寂寥

又

紹興壬戌中秋前數夕與楊謹仲魯子明劉曼客及子駒兄弟待月新橋

駕月新成碧玉梁青天萬里瀉銀潢廣寒宮裏無雙  
樹無熱池邊不盡香 承露液釀秋光直須一舉累  
千觴不知世路風波惡何似薜林氣味長

又

紹興戊辰歲閏中秋

明月光中與客期一年秋半兩圓時姮娥得意爲長

酒邊詞卷上

八

計織女歡盟可恨遲 瞻玉兔倒瓊彝追懷往事記

新詞浩歌且入滄浪去醉裏歸來凝不知

又

曾瑞伯使君自虔守移帥荆南作是詞戲之

贛上人人說故侯從來文采更風流題詩漫道三千  
號別酒須拚一百籌 乘畫鷁衣輕裘又將春色過

荊州合江繞岸垂楊柳總學歌眉葉葉愁

減字木蘭花

紹興辛未冬溫臘前梅花已謝去明日立春今夕大雪程德遠弟來

自龍舒張琦言寄聲相問有懷其人

青松翠篠一夜欹傾如醉倒殘臘能佳落盡梅花見  
雪花 詩涯酒島何日登臨同笑傲未老還家飽歷

年華有鬢華

又紹興壬申春薊林瑞香盛開賦此詞是年三月十有六日辛亥公下世此詞公之絕筆也  
斜紅疊翠何許花神來獻瑞粲粲裳衣割得天孫錦  
一機 眞香妙質不耐世間風與日著意遮圍莫放  
春光造次歸

阮郎歸

紹興乙卯大雪行鄱陽道中

江南江北雪漫漫遙知易水寒同雲深處望三關斷  
腸山又山 天可老海能翻消除此恨難頻聞遣使  
問平安幾時鑾輅還

秦樓月

芳菲歇故園目斷傷心切傷心切無邊煙水無窮山  
色 可堪更近乾龍節眼中淚盡空啼血空啼血子

酒邊詞卷上

九

規聲外曉風殘月

少年遊

別韓叔夏

去年同醉醺醺下儘筆賦新詞今年君去醺醺欲破  
誰與醉爲期 舊曲重歌傾別酒風露泣花枝章水  
能長湘水遠流不盡兩相思

西江月

番禺趙立之郡王席上

風響蕉林似雨燭生粉豔如花客星乘興泛仙槎誤  
到支機石下 歡喜地中取醉溫柔鄉裏爲家暖紅  
香霧鬧春華不道風波可怕

又

吳穆仲與法喜以禪悅爲樂寄倡醺醺蓬萊示薊林居士有見處卽已無心卽了之句此答之

答之

見處莫教甚著無心慎勿沈空本無肯面與初終說  
了還同說夢 欲識薊林居士真成漁父家風收絲  
乘釣月明中總是神通妙用

又 紹興丁巳秋徧走湖東諸郡遂作天台雁宕  
之遊政黃柑江鱈時足慰平生時拜詔書薊  
林之賜因成長短句寄朱子發范元長  
陳去非翰林三學士以資玉堂中一笑

得意穿雲度水及時斫玉分金茲游了卻未來心怪  
我歸遲一任 居士何如學士薊林休笑薊林個中  
真味少知音不是清狂太甚

又 政和年間卜築宛邱手植叢籜自號薊林居  
士建炎初解六路漕事中原復擾故廬不得  
返下居清江之五柳坊紹興癸丑罷帥南海  
卽棄官不仕乙卯起以九江郡得轉漕江東  
入爲戶部侍郎辭榮旆謗出守姑蘇到郡少  
日請又力焉詔可且賜舟曰泛宅送之以歸

酒邊詞卷上

拾

己未暮春復遂舊隱時仲舅李公  
休亦辭春陵郡守致仕喜賦是詞

五柳坊中煙縵百花洲上雲紅蕭蕭白髮兩衰翁不  
與時人同夢 拋擲麟符虎節徜徉月下林風世間  
萬事轉頭空個裏如如不動

又 山谷作醅醪詩極工所謂露濕何郎試湯餅  
日烘荀令炷爐香取古人語以況此花稱爲  
著題余三十年前與晁之道狹端叔諸公醉  
皇遠院東武襄家醅醪甚盛各賦長短句獨  
記余浣溪紗一首云翠羽衣裳白玉人不將  
朱粉汗天眞清風爲伴月爲隣 枕上人解隨  
良夜夢事此垞此花不殊而心情老嬾無復  
眞成夢事此垞此花不殊而心情老嬾無復  
當時矣勉強  
作是詞云

紅褪小園桃杏綠生芳草池塘誰教芍藥殿春光兀  
似醅醪官樣 翠蓋更蒙珠幘熏爐臙爨沈香娟娟

風露滿衣裳獨步瑤臺月上

又老妻生日因取薊林中所產異物作是詞以侑觴

幾見芙蓉並蒂忽生三秀靈芝千年老樹出孫枝巖  
桂秋來滿地白鶴雲間翔舞綠龜葉上遊戲齊眉  
偕老更何疑個裏自非塵世

南鄉子 大雪韓叔夏坐中

梅與雪爭姝試問春風管得無除卻個人多樣態誰  
如細把冰姿比玉膚一面倒金壺既醉仍煩翠袖  
扶同向凌風臺上看何如且與薊林作畫圖

浣溪沙 寶林山間建蘭

綠玉叢中紫玉條幽花疎淡更香饒不將朱粉汗高

酒邊詞卷上

十一

標空谷佳人宜結伴貴游公子不能招小窗相對

誦離騷

又漁父詞張志和之兄松巖所作也有招玄真子歸隱之意居士爲姑蘇郡守浩然有歸志

因廣其聲爲浣溪沙示姑蘇諸友

樂在煙波釣是閒草堂松桂已勝攀梢梢新月幾回  
灣一碧太湖三萬頃屹然相對洞庭山狂風浪起  
且須還

又歲呈牧庵舅

進步須於百尺竿二邊休立莫中安要知立露沒多  
般花影鏡中拈不起蟾光空裏撮應難道人無事  
更參看

又荆公除日詩云爆竹聲中一歲除東風送暖入屠蘇蘇千門萬戶曠曠日爭把新桃換舊符東坡詩云老去怕看新曆日退歸擬學舊桃符古今絕唱也呂居仁詩有畫角聲中一歲除平明更飲屠蘇酒之句政用以爲故事耳薊林退居之十年戲集兩公詩輒以鄙意足成浣溪沙自書以遺靈照

爆竹聲中一歲除東風送暖入屠蘇曠曠曉色上林廬老去怕看新曆日退歸擬學舊桃符青春不染

白髭鬚

又嚴桂花開不數日謝去每恨不能挽留近得爐熏頗耐久

醉裏驚從月窟來睡餘如夢蕊宮回碧雲時度小崔嵬疑是海山憐我老不論時節遣花開從今休數

返魂梅

酒邊詞卷上

又曾端伯和

別樣清芬撲鼻來秋香過後卻追回博山輕霧鎖崔嵬珍重香林一抹手不教一日不花開暗中錯認

是江梅首二句或刻聽罷霓裳夢覺來天香留得袖中回

又老妻生日

星斗昭回自一天疎梅池畔鬪清妍蟠桃正熟藕如船葉上靈龜來瑞世林間白鶴舞胎仙春秋不記幾千年

又堂前巖桂犯雪開數枝色如杏黃適當老妻生朝作以此侑觴

瑞氣氤氳拂水來金幢玉節下瑤臺江梅巖桂一時開不盡秋香凝燕寢無邊春色上尊壘臨風嗅蕊

笑徘徊

和會吉甫韻呈宋景晉待  
又制宋有二小姬小桃小蘭

綠繞紅圍宋玉牆幽蘭林下正芬芳桃花氣暖玉生香  
誰道廣平心似鐵豔妝高韻兩難忘蘇州老矣不能狂

再用韻寄會  
又吉甫運使

靄靄停雲覆短牆天臨水自然芳猗猗無處著清香  
珍重驀山溪句好尊前頻舉不相忘濠梁夢蝶儘春狂

又簡王景源  
元勳伯仲

南國風煙深更深清江相接是廬陵甘棠兩地緣成  
酒邊詞卷上

十三

陰 九日黃花兄弟會中秋明月故人心悲歡離合  
古猶今

紹興辛未中秋王景源使君乘流下簾  
又離捨舟從陸薊林老人以長短句贈行

尊俎風流意氣傾一杯相屬忍催行離歌更作斷腸聲  
滾滾大江前後浪娟娟明月短長亭水程山驛總關情

生查子 紹興戊午姑蘇  
郡齋懷歸賦

天上得靈根不是凡花數情似水沈香色染薔薇露  
薊林月冷時玉筍雲深處歸夢托秋風夜夜江頭路

又與客醉巖桂下落  
蕊忽墮酒杯中

月姊倚秋風香度青林杪吹墮酒杯中笑靨撩人小  
老 薌林萬事休獨此情未了醉裏又題詩不覺花前

臨江仙

紹興庚申老妻生日幼女靈照生於是歲女子亦有弄璋之喜

新月低垂簾額小梅半出檐牙高堂開燕靜無譁麟  
孫鳳女學語正啾啾 寶鼎贖熏沈水瓊彝爛醉流  
霞薌林同老此生涯一川風露總道是仙家

七娘子

山圍水繞高堂路恨密雲不下陽臺雨霧閣雲窗風  
亭月戶分明攜手同行處 而今不見生塵步但長  
江無語東流去滿地落花漫天飛絮誰知總是離愁

酒邊詞卷上

十四

做

減字木蘭花

維摩住處竟日繡紛花似雨更有難忘十里清芳撲  
鼻香 當年疏傳借問賜金那用許何似歸棹寶墨  
光芒萬丈長

又

年年巖桂恰恰中秋供我醉今日重陽百樹猶無一  
樹香 且傾白酒賴有茱萸枝在手可是清甘繞徧  
東籬摘未堪

清平樂

薌林之居巖桂爲最比得公是先生清平樂詞云小山叢桂最有留人意拂葉

攀花無限思露濕濃香滿袂別來過了秋光翠簾昨夜新霜多少月宮閒地姮娥與措餘芳

因賦  
一首

幽花無外心與薌林會綠髮相看今老矣不作淺俗  
氣味 露葉蕤蕤生光風梢泛泛飄香稱意中秋開  
了餘情猶及重陽

又韓叔  
夏

秋光如水釀作鶯黃蟻散入千巖桂樹裏惟許脩門  
人醉 輕鈿重上風鬟不禁月冷霜寒步障深沈歸  
去依然愁滿空山

又巖桂盛開戲呈  
韓叔夏司諫

吳頭楚尾踏破芒屨底萬壑千巖秋色裏不耐惱人  
風味 而今老我薌林世間百不關心獨喜愛香韓  
酒邊詞卷上 十五

壽能來同醉花陰

又奉酬韓  
叔夜

薄情風雨斷送花何許一夜清香無覓處卻返雲窗  
月戶 醉鄉麴米爲春荊州富貴中人肯入薌林淨  
社玉山屬倒芳茵

又贈韓  
叔夏

銀鈎蠆尾一似鍾繇字吏部文章鱗角起自是瑞人  
驚世 西垣淮擬揮毫不須苦續離騷政看翻階紅  
藥無忘叢桂香膠

又答趙彥  
正使君

人間塵外一種寒香蕊疑是月娥天上醉戲把黃雲

接碎 使君坐嘯清江騰芳飛譽無雙興寄小山叢  
桂詩成斐几明窗

又鄭長卿資政惠以龍焙絕品予方釀  
薊林春色恨不得持去戲有此贈

薊林春色杯面雲腴白醉裏不知天地窄真是人間  
歡伯 風流玉友爭妍酪奴可與忘年空誦少陵佳  
句飲中誰是俱仙

更漏子 雪中韓叔  
夏席上

小窗前疎影下鸞鏡弄妝初罷梅似雪雪如人都無  
一點塵 暮江寒人響絕更著朦朧微月山似玉玉  
如君相看一笑温

點絳脣

薊林老人紹興甲寅中秋與二三禪子  
對月寶林山中戲作長短句俗呼點絳

脣

酒邊詞卷上

十六

疎破  
綠水青山一輪明月林梢過有誰同坐妙德毘盧我  
石女高歌古調無人和還知麼更沒別個且莫分

又代淨  
允老

此夜中秋不向光影門前過披衣得坐無佛允生我  
穿破  
□ 鼓打皮借問今幾和還知麼就中兩個鼻孔誰

又代香巖  
榮老

不昧本來太虛明月流輝過同行獨坐高下多由我  
玉軫無絃誰對秋風和還知麼老龐一個識得機

關破

又代  
隱  
曇老

折腳鐺中二時粥飯隨緣過東行西坐不識而今我  
壞盡田園終日且婆和還知麼錐也無個時露衣

衫破

又後  
自

不挂一裘世間萬事如風過忘緣兀坐皮袋非真我  
隨色摩尼朱碧如何和還知麼從來只個千古撲

不破

又別  
代  
淨允

荆棘林中浪夸好手曾穿過不起千坐逼塞虛空我

酒邊詞卷上

十七

問路臺山婆子隨聲和還知麼石橋老個些子平

窺破

又別  
代  
香巖

春浪桃花禹門三尺平跳過死生不坐變化須歸我

山起南雲北雨聲相和還知麼點點真個塊土何

曾破

又別  
代  
栖隱

脫落皮膚故人南岳峯前過只知閒坐千聖難窺我

明月澄潭誰唱復誰和還知麼錦鱗沒個莫觸清

光破

又別  
自

綠水池塘笑看野鳴雙飛逝正當呆坐紐鼻須還飛  
晝日張弓許久無人和還知麼難得全個不免須  
明破

又世傳水月觀音詞徐師川惡其鄙俗戲作一首

冰雪肌膚靚妝喜作梅花面寄情高遠不與凡情染  
玉立峯前閒把經珠轉秋風便霧收雲捲水月光  
中見

又重九戲用東坡先生韻

無熱池南歲寒亭上開新宴青山芳甸盡入真如觀  
舉首高歌人在秋天半晴空遠寒江影亂何處飛  
來雁

酒邊詞卷上

十八

又

病臥秋風懶尋杯中追歡宴夢遊都旬不改當年觀  
故舊彫零天下今無半煙塵遠淚珠零亂怕問隨  
陽雁

又

今日重陽強按青蕊聊開宴我家畿甸試上連輝觀  
憶著酺池古塔煙霄半愁心遠情隨雲亂腸斷江  
城雁

又重陽後數日菊墩始有花與諸友再登賦第四首

莫問重陽黃花滿地須遊宴休論夷甸且作江山觀  
百歲光陰屈指今過半霜天晚眼昏花亂不見書

空雁

又王景源使君寵示巖桂長短句擬和一首

春蕙秋蘭斷崖空谷終難近何如逸韻十里香成陣  
傾蓋論交白首情無盡因君問新聲玉振更覺花  
清潤

又再賦示王景源使君

璧月光輝萬山不隔蟾宮樹金風玉露水國秋無數  
老子情鍾欲向香中住君王詎龍鸞飛舞送到歸  
休處

又再次王景源使君韻賦第二首

明月山頭古香吹墮青林底世情無味伴我千巖裏  
酒邊詞卷上

十九

詩老風流也向花留意歌新擬調高難比半坐翁  
君醉

採桑子蕪林爲牧庵舅作

霜鬢七十期同老雲水之鄉總挂冠裳閒裏光陰一  
倍長 况逢□曆籬邊笑風露中香報冷秋光自有  
仙人九醞觴

一落索

春風吹斷前山雨行雲歸去朝來須信本無心回首  
了無尋處 欲問個中去路阿誰能語澄江霽月卻  
深知把此意都分付

如夢令予以巖桂爲爐熏雜以龍麝或謂未盡其妙有一道人授取桂花真水之法乃

神仙術也其香著人不滅名曰薝蔔秋露李長吉詩亦云山頭老桂吹古香戲作二闕以貽好事者

欲問薝蔔林秋露來自廣寒深處海上說薝蔔何以桂花風度高古高古不著世間塵汗

又

誰識薝蔔林秋露勝卻諸天花雨休更覓曹溪自有個中去路參取參取滴滴要知落處

卜算子

臨鏡笑春風生怕梅花妬疑是西湖處士家疎影橫斜處江靜竹娟娟綠繞青無數獨許幽人仔細看全勝牆東路

酒邊詞卷上

二十

又

中秋欲雨還晴惠刀寺江月亭用東坡先生韻示諸禪老寄徐師川樞密

雨意挾風圓月色兼天靜心與秋空一樣清萬象森如影何處一聲鐘令我發深省獨立滄浪忘卻歸不覺霜華冷

又

重陽後數日辟亂行雙源山間見菊  
花復用前韻時以九江郡懇辭未報

時菊碎榛薪地僻柴門靜誰道村中好客稀明月和清影天地一蘧廬夢事慵思省若個知余懶是真

心已如灰冷

又

督戰淝水再用前韻  
第三首示青草堂

鞦韆擾擾申本體元來靜一段澄明絕點埃世事如泡影歇卽是菩提此語須三省古道無人著腳行

禾黍秋風冷

又復自和賦  
第四首

千古一靈根本妙無明淨道個如知已是差莫認風  
旂影 枯木夜堂深默坐時觀省月落烏雞出戶飛  
萬里關河冷

三字令

春盡日雨餘時紅簌簌綠漪漪花滿地水平池煙光  
裏雲影上畫船移 文鴛竝白鷗飛歌韻響酒行遲  
將我意入新詩春欲去留且住莫教歸

長相思

紹興戊辰  
閏中秋

年重月月重光萬瓦千林白似霜扁舟入醉鄉 山

酒邊詞卷上

三十一

蒼蒼水茫茫嚴嚴瀨瀨當時不是狂高風引興長

南歌子

柳眼風前動梅心雪後寒年光渾似霧中看報答風  
光無處可爲歡 一曲聊收淚三杯強自寬新愁不  
耐上眉端怕見長安歸路懶凭闌

減字木蘭花

無窮白水無限芰荷紅翠裏幾點青山半在雲煙  
靄間 移舟橫截臥看碧天流素月此意虛徐好把  
薌林入畫圖

南歌子

江左稱巖桂吳中說木犀水沈爲骨鬱金衣卻恨疎

梅惱我得青遲 葉借山光潤花蒙水色奇年年勾  
引賦新詩應笑薊林冷淡獨心知

又紹興辛酉病起

病著連三月誰能慰老夫蕭蕭短髮不勝梳風裏支  
離欲倒要人扶 秋月明如水巖花忽起子旋籜白  
酒入盤盂報答風光不醉更何如

又韓公圭近有提舉廣東市舶之命假道清江執別年餘忽爾相逢喜甚因賦是詞云

我入三摩地人疑小有天君王送老白雲邊不用丹  
青圖畫上凌煙 喜攬澄清轡能同載酒船相逢忽  
漫別經年好是兩身強健在尊前

桂殿秋

酒邊詞卷上

二十二

秋色裏月明中紅旌翠節下蓬宮蟠桃已結瑤池露

桂子初開玉殿風

朝中措 王景源使君生日坐上偶作

滿城臘雪淨無埃觸處是花開天上瓊林珠樹誰知  
夜半移來 黃堂薦壽請君著意和氣潛回化作一  
江春酒都將注入尊罍

菩薩蠻

天仙醉把真珠擲荷翻瀉入玻璃碧雨過酒尊涼紅  
葉冉冉香 飛來雙白鷺屢作傲傲舞山鳥起清歌  
晚來情更多

好事近

紹興辛未病起見梅

多病臥江干過盡春花秋葉又見橫斜疎影弄階前  
明月呼兒取酒據胡牀尙喜知時節宜與老夫情  
厚有鬢邊殘雪

又云折得一枝清瘦入鬢邊殘雪

又用前韻答鄧瑞友使君

風勁入平林掃盡一川黃葉唯有長松千丈挂娟娟  
霜月使君和氣動江城疑是芳菲節忽到小園游  
戲見南枝如雪

減字木蘭花

登望韶亭

兩峯對起象闕端門雲霧裏千嶂排空虎節龍旂指  
顧中簫韶妙曲我試與聽音韻足借問誰傳松上  
清風石上泉

酒邊詞卷上

二十三

又

翠鬟雙小綠綺朱絃心未了畫戟森閒玉子紋揪手  
共談不妨扶老未說他年無限笑且要忘憂莫問  
今朝勝幾籌

又

梅花盛開走筆戲呈韓叔夏

臘前雪裏幾處梅梢初破蕊年晚江邊是處花開晚  
更妍絕知春意不耐愁何心與醉更有難忘宋玉  
牆頭婉婉香

又

韓叔夏席上戲作

誰知瑩徹惟有碧天雲外月一見風流洗盡胸中萬  
斛愁賸燒蚤炬只恐夜深花睡去想得橫陳全是

巫山一段雲

又

千山萬水望極不知何處是  
小院迴廊夢去相尋未  
覺長 絕憐清瘦雪裏梅梢春未透  
常記分攜雨後  
梨花曉尙啼

又

去年端午共結絲絲長  
命縷今日重陽同泛黃花九  
醞觴 經時離缺不爲萊菔髭似雪  
一笑逢迎休覓  
空青眼自明

酒邊詞卷上

三十四

酒邊詞卷上

終

酒邊詞卷下

江北舊詞

滿庭芳

政和癸巳滁陽作  
其年京師大雪

天宇長閒飛仙狂醉按雲碎玉沈空謝家庭院爭道  
絮因風不怕寒生寶粟深洞護犀幕重重瑤林裏疎  
梅獻笑小萼露輕紅 瑞龍香繞處雲間絃管塵外  
簾櫳須爛醉煙霞莫許千鍾聞道蟠桃正好蓬瀛路  
消息潛通飛瓊伴偷將春色分付入芳容

水調歌頭

趙伯山席  
上見梅

天公深藏巧雪裏放春回不到閒花凡草都付與疎  
梅獨立水邊林下蕭蕭冰容孤豔清瘦玉腰肢觸撥  
酒邊詞卷下 二十五  
暗香動風味欲愁誰 姪娥攜青女過夜闌時瑤冠  
瓊佩粲然一笑亦何奇賸欲舉觴對飲不怕月明霜  
重寒氣著人衣只恐鄰笛起化作玉塵飛

梅花引

戲代李  
師明作

花如頰梅如葉小時笑弄階前月最盈盈最惺惺閒  
愁未識無計定深情 十年空省春風面花落花開  
不相見要相逢得相逢須信靈犀申自有心通

又

向與前闕合  
作一闕非

同杯勺同斟酌千愁一醉都推却花陰邊柳陰邊幾  
回擬待偷憐不成憐 傷春玉瘦鬢梳掠拋擲琵琶  
閒處著莫猜疑莫嫌遲鴛鴦翡翠終是一雙飛

帶人嬌

錢卿席上贈  
侍人輕輕

白似雪花柔於柳絮蝴蝶兒鎖長一處春風駘蕩  
然吹去口得遊絲半空惹住 波上精神掌中態度  
分明是彩雲團做當年飛燕從今不數只恐是高唐  
夢中神女

玉樓春

宛邱行口之  
園見梅對雪

記得江城春意動兩行疎梅龍腦凍佳人不用辟寒  
犀踏雪穿花雲鬢重 眞珠旋滴留人共更爇沈香

暖金鳳只今梅雪可憐時都似綠窗前日夢

又

與何文嶺倪巨濟王元表蘇叔黨宴  
張子實家侍人賀全眞妙絕一時

雲窗霧閣春風透蝶繞蜂圍花氣漏惱人風味恰如

酒邊詞卷下

二十六

梅倚醉腰肢全是柳 細傳一曲情偏厚淡掃兩山

緣底皺歸時好月已沈空只有眞香猶滿袖

鷓鴣天

與師川同過  
葉夢授家

小院深明別有天花能笑語柳能眠雪肌得酒於中  
暖蓮步凌波分外妍 鈿燕重髻荷偏兩山斜疊翠  
聯娟朝雲無限飄春態暮雨情知更可憐

又

宣和乙亥  
代人贈別

斗帳歡盟不計年誰知驀地遠如天何曾一霎離心  
上怎得而今在眼前 魚不斷雁相連可無小字寄  
芳牋薄情已是拋人去更與新愁到酒邊

又前

說著分飛百種猜泥人細數幾時回風流可慣會孤  
冷懷抱如何得好開垂玉筋下香階竝肩小語更  
兜鞦再三莫遣歸期誤第一頻教入夢來

又

淺淺妝成淡淡梅見梅憶著傍妝臺書無鴻雁如何  
寄腸斷催歸作麼回千種恨百般猜爲伊懷抱幾  
時開可堪江上風頭惡不放朝雲入夢來

又

幾處鞦韆懶未收花梢柳外出纖柔霞衣輕舉疑奔  
月寶髻欹傾若墜樓爭縹緲鬪風流蜂兒蛟蝶共  
嬉遊朝朝暮暮春風裏落盡梨花未肯休

酒邊詞卷下

二十七

踏莎行

政和丙申  
九江道中

靄靄朝雲飄春態度楚中夢斷尋無路欲將尊酒遣  
新愁誰知引到愁深處不盡江山無邊細雨只疑  
都把愁來做西山總不解遮闌隨春直過東湖去

鵲橋仙

合卺風流擘釵情態壓倒癡牛騃女今年雲外果深  
期想卻笑人間離苦縈愁疊恨青山綠水杳杳重  
重無數尋常猶有夢能來到此夜無尋夢處

虞美人

政和丁酉下  
琵琶溝作

濛濛煙樹無重數不礙相思路晚雲分外欲增愁更  
那堪疎疎雨送歸舟雨來還被風吹去隕淚多如

雨凝題雙葉問離憂怎得水隨人意肯西流

又春恨

去年不到瓊花底蝶夢空相倚今年特地趁花來因甚不教同醉過花開花知此恨年年有鬪伴人春瘦一枝和淚寄春風應把舊愁新怨入眉峰

又宣和辛丑

去年雪滿長安樹望斷揚州路今年看雪在揚州人在蓬萊深處若爲愁而今不恨伊相誤自恨來何暮平山堂下舊嬉遊只有舞春楊柳似風流

又

綺窗人似鶯藏柳巧語春心透聲聲清切入人深一酒邊詞卷下

二十八

夜不知兩鬢雪霜侵何時月下歌金縷醉看行雲

住懶將幽恨寄瑤琴卻倩金籠鸚鵡遞芳音

更漏子

題趙伯山青白軒時王豐父劉長因同賦

竹孤青梅皦白更著使君清絕梅似竹竹如君須知德有隣月同高風同調月底風前一笑翻碎影度浮香與人風味長

又

鵲橋邊牛渚上翠節紅旌相向承玉露御金風年年歲歲同懶飛梭停弄杼遙想綵雲深處人咫尺似關山無聊獨倚闌

鵲橋仙

七夕

澄江如練遠山橫翠一段風煙如畫層樓傑閣倚晴  
空疑便是支機石下寶匳瓊鑑淡勻輕掃纖手弄  
妝初罷擬將心事問天公與牛女平分今夜

南歌子

代張仲宗賦

碧落飛明鏡晴煙幕遠山扁舟夜下廣陵灘照我白  
蘋紅蓼一杯殘初望同盟飲如何兩處看遙知香  
霧溼雲鬟凭暖瓊樓十二玉闌干

鵲橋仙

飛雲多態涼颺微度都到酒邊歌處冰肌玉骨照人  
寒更做弄一簾風雨同樂風味合歡情思不管星  
娥猜妬桃花溪水接銀河與占斷鵲橋歸路

酒邊詞卷下

二十九

南歌子

鄒小娘道裝

縹緲雲間質輕盈波上身瑤林玉樹出風塵不是野  
花凡草等閒春翠羽雙垂珥烏紗巧製巾經珠不  
動兩眉顰須信鉛華銷盡見天真

又

梁苑千花亂隨隄一水長眼前風物總悲涼何況眉  
頭心上不相忘因夢聊攜手憑書續斷腸已驚蝴  
蝶過東牆更被風吹鴻雁不成行

卜算子

東坡先生嘗作卜算子山谷老人見之類不食煙火人語薊林往歲見梅追

和一首終恨有兒女子態耳

竹裏一枝梅雨洗娟娟靜疑是佳人日暮來綽約風

前影 新恨有誰知往事何堪省夢繞陽臺寂寞回  
沾袖餘香冷

菩薩蠻

鴛鴦翡翠同心侶驚風不動雙飛去春水綠西池重  
期相見時 長憐心共語夢裏池邊路相見不如新  
花應解笑人

又

政和  
雨中

娟娟明月如霜白麓山可是蓬山隔恨不及春風行  
雲處處同 暖香紅霧裏一笑誰新喜知得遠愁無  
春衫有淚珠

又

酒邊詞卷下

三十

襪兒窄翦鞦兒小紋鴛竝影雙雙好微步巧藏人輕  
飛洛浦塵 前回深處見欲近還相遠心事不能知  
教人直是疑

南歌子

雨過林巒靜風迴池閣涼窺人雙燕語雕梁笑看小  
荷翻處戲鴛鴦 共飲菖蒲細同分綵線長今朝眞  
不負風光絕勝幾年飛夢繞高唐

減字木蘭花

幾年不見蝴蝶枕中魂夢遠一日相逢鸚鵡杯深笑  
靨濃 歡心未已流水落花愁又起離恨如何細雨  
斜風晚更多

秦樓月

蟲聲切柔腸欲斷傷離別傷離別幾行清淚界殘紅  
頰玉階白露侵羅襪下簾卻望玲瓏月玲瓏月寒  
光零亂照人愁絕

生查子

與王豐父鄭曼卿  
兄弟嵩山道中

月在兩山間人在空明裏山色碧於天月色光於水  
心閒物物幽心動塵塵起莫向動中來長願閒如  
此

又

春心如杜鵑日夜思歸切啼盡一川花愁落千山月  
遙憐白玉人翠被餘香歇可慣獨眠寒減動豐肌

酒邊詞卷下

三十一

雪

又

近似月當懷遠似花藏霧好是月明時同醉花深處  
看花不自持對月空相顧願學月頻圓莫化花飛  
去

又

春山和恨長秋水無言度脈脈復盈盈幾點梨花雨  
深深一段愁寂寂無行路推去又還來沒個遮闌  
處

又

贈陳  
宋鄰

娟娟月入眉整整雲歸鬢鏡裏弄妝遲簾外花移影

斜窺秋水長  
軟語春鶯近  
無計奈情何  
只有相思分

又

相思懶下牀  
春夢迷蝴蝶  
入柳又穿花  
去去輕如葉  
可堪歧路長  
不道關山隔  
無賴是黃鸝  
喚起空愁

絕

望江南

八月十四日爲壽  
近有弄璋之慶

微雨過庭院  
靜無塵  
天上秋期明日是  
人間月影十分清  
真不負佳辰  
稱壽處  
香霧繞花身  
玉兔已成  
千歲藥  
桂花更與一枝新  
喜氣滿重闈

浣溪沙

酒邊詞卷下

三十二

冰雪肌膚不受塵  
臉桃眉柳已生  
春手搓梅子笑迎人  
欲語又休無  
限思  
暫來還去不勝顰  
夢隨蝴蝶過東隣

西江月

微步凌波塵起  
弄妝滿鏡花開  
春心擲處眼頻來  
秀色著人無耐  
舊事如風無迹  
新愁似水難裁  
相思日夜夢陽臺  
減盡沈郎衣帶

點絳脣

南昌送范師

丹鳳飛來細傳  
日下絲綸語  
使君歸去已近沙隄路  
風葉露花秋意濃  
如許江天暮  
離歌輕舉愁滿西  
山雨

醜奴兒

宣和  
辛丑

無雙亭下瓊花樹玉骨雲腴傾國稱姝除卻揚州是  
處無 天教紅藥來驂乘桃李先驅總作花奴翠擁  
紅遮到玉都

如夢令

午夜涼生翠幔簾外行雲撩亂可恨白蘋風欲雨又  
還吹散腸斷腸斷楚夢驚殘一半

好事近

中秋前一日爲壽

小雨度微雲快樂一天新碧恰到中秋佳處是芳年  
華日 冰輪莫做九分看天意在今夕先占廣寒風  
露怕姮娥偏得

酒邊詞卷下

三十三

又

懷安郡  
王席上

初上舞裯時爭看襪羅弓窄恰似晚霞零亂襯一鉤  
新月 折旋多態小腰身分明是回雪生怕因風飛  
去放眞珠簾隔

採桑子

人如濯濯春楊柳徹骨風流脫體溫柔牽繫多情儘  
未休 最憐恰恰新眠起雲雨初收斜倚瓊樓葉葉  
眉心一樣愁

清平樂

寄邵子  
非諸友

雲無天淨明月端如鏡烏鵲繞枝栖未穩零露垂垂  
珠墜 扁舟共絕湖河秋風別去如梭今夜淒然對

影與誰斟酌姮娥

浣溪沙

花想儀容柳想腰融融曳曳一團嬌綺羅叢裏最妖  
嬈歌罷碧天零影亂舞時紅袖雪花飄幾回相見  
爲魂消

又趙總憐以扇頭來乞詞戲有  
此贈趙能棋分茶寫字彈琴

艷趙傾燕花裏仙烏絲闌寫永和年有時閒弄醒心  
絃茗盃分雲微醉後紋楸斜倚髻鬟偏風流模樣  
總堪憐

又王稱心效顰  
亦有是請

會是襄王夢裏仙嬌癡恰恰破瓜年芳心已解品朱  
酒邊詞卷下

三十四

絃淺淺笑時雙靨媚盈盈立處綠雲偏稱人心事  
儘人憐

又

一夜涼颺動碧幙曉庭飛雨濺眞珠玉人睡起倚金  
鋪雲髻作堆初未整柳腰如醉不勝扶天仙風調  
世間無

又政和王辰正月豫章龜潭作時徐  
師川洪駒父汪彥章攜酒來作別

璧月光中玉漏清小梅疎影水邊明似梅人醉月西  
傾梅欲黃時朝暮雨月重圓處短長亭舊愁新恨  
若爲情

又連年二月二  
日出都門

人意天公則甚知故教小雨作深悲桃花渾似淚胭脂  
理棹又從今日去斷腸還似去年時經行處處  
是相思

又政和癸巳儀  
真東園作

花樣風流柳樣嬌雪中微步遇溪橋心期春色到梅梢  
折得一枝歸綠鬢冰容玉豔不相饒索人同去  
醉金蕉

又

守得梅開著意看春風幾醉玉闌干去時猶自惜餘歡  
雨後重來花掃地葉間青子已團團憑誰寄與  
蹙眉山

酒邊詞卷下

三十五

又醑醑和狄端叔  
韻贈陳宋鄰

翡翠衣裳白玉人不將朱粉汗天真清風爲伴月爲隣  
枕上解隨良夜夢壺中別是一家春同心小綰  
更尖新

又

兩點春山入翠眉一綯楊柳作腰肢語音嬌軟帶兒癡  
猶省當來求識面隔溪清唱倒瓊彝真成相見  
說當時

又

姑射肌膚雪一團摻摻玉手弄冰紈著人情思幾多般  
水上月如天樣遠眼前花似鏡中看見時容易

近時難

又

雲外遙山似翠眉  
風前楊柳入腰肢  
凌波微步襪塵飛  
倚醉傳歌留客處  
佯嗔不語殢人時  
風流態度百般宜

又許南叔席上

百斛明珠得翠娥  
風流徹骨更能歌  
碧雲留住勸金荷  
取醉歸來因一笑  
惱人深處是橫波  
酒醒情味卻知麼

相見歡

亭亭秋水芙蓉翠  
團中又是一年風  
露笑相逢 天

酒邊詞卷下

三十六

機畔雲錦亂思無窮  
路隔銀河猶解嫁  
西風

又

桃源深閉春風信  
難通流水落花餘  
恨幾時窮 水  
無定花有盡會相逢  
可是人生長在別離中

又

腰肢一縷纖長是  
垂楊泥泥風中衣袖冷  
沈香花  
如頰眉如葉語如簧  
微笑微顰相惱過迴廊

酒邊詞卷下終

伯恭相家子欽聖憲肅皇后從姪也性極孝友置義  
莊贍宗族貧者其立朝忠節胡安國張九成輩極嘉  
與之晚忤秦檜意乃致仕卜築清江楊遵道故第竹  
木池館占一都之勝又繞屋手植巖桂顏其堂曰薌  
林自詠云須知道天教尤物相伴老江鄉又絕筆云  
眞香妙質不耐世間風與日豈米顛所謂眾香國中  
來眾香國中去薌林亦庶幾耶湖南毛晉識



酒邊詞跋

題溪堂詞

謝無逸臨川進士自號溪堂學古高傑文辭煅煉篇  
篇有古意而尤工於詩詞黃山谷嘗讀其詩云晁張  
流也恨未識面耳其詩曰山寒石髮瘦水落溪毛彫  
又曰老鳳垂頭噤不語枯木槎牙噪春鳥其詞曰黛  
淺眉痕沁紅添酒面潮又曰魚躍冰池飛玉尺雲橫  
石嶺拂蛟綃皆百鍊乃出冶者晁張又將避三舍矣  
漫叟題

溪堂詞序



溪堂詞

目錄

如夢令 二調

點絳脣 二調

浣溪沙 二調

採桑子 三調

菩薩蠻 二調

減字木蘭花 二調

卜算子 一調

謁金門 一調

好事近 一調

清平樂 二調

醉桃源 三調

武陵春 二調

柳梢青 一調

西江月 九調

燕歸梁 一調

南歌子 一調

望江南 二調

浪淘沙 一調

溪堂詞目

鷓鴣天 四調

玉樓春 四調

鵲橋仙 一調

虞美人 三調

南鄉子 一調

醉落魄 一調

踏莎行 一調

蝶戀花 一調

臨江仙 二調

七娘子 一調

漁家傲 一調

青玉案 一調

江神子 二調

千歲秋 一調

驀山溪 一調

溪堂詞

宋 謝逸

如夢令 或刻周美成

花落鶯啼春暮陌上綠楊飛絮金鴨晚香寒人在洞房深處無語無語葉上數聲疎雨

又

門外落花流水日暖杜鵑聲碎蕃馬小屏風一枕畫堂春睡如醉如醉正是困人天氣

點絳脣 或刻張子野。碧影涵雲巘作玉立峨峰遠

九日登高倚樓人在秋空半汝江如練碧影涵雲巘醉看茱萸定是明年健清尊滿菊花黃淺偏入陶

溪堂詞

潛眼

又

金氣秋分風清露冷秋期半涼蟾光滿桂子飄香遠素練寬衣仙仗明飛觀霓裳亂銀橋人散吹徹昭華管

浣溪沙

樓閣簾垂乳燕飛圓荷細細點清溪薰風破悶晚涼時玉軫琴邊蘭思遠霜紈扇裏翠眉低柔藍衫子鬧峰兒

又

暖日溫風破淺寒短青無數簇幽蘭二年春在病中

看 中酒心情長似夢探花時候不會閑故園芳信  
隔秦關

採桑子

楚山削玉雲中碧影落沙汀秋水澄凝一抹江天雁  
字橫 金錢滿地西風急紅蓼煙輕簾外砧聲驚起  
青樓夢不成

又

冰霜林裏爭先發獨壓羣花風送清笳更引輕相淡  
淡遮 抱牆溪水彎環碧月色清華疎影橫斜恰似  
林逋處士家

又

溪堂詞

二

冷猿寒雁淮山遠風裊青帘飛雪廉纖莫道空中是  
撒鹽 到時乳鵲喧梧影曉捲疎簾彩服巡簷索共  
梅花笑語添

菩薩蠻

暄風遲日春光開蒲萄水綠搖輕棹兩岸草煙低青  
山啼子規 歸來愁未寢黛淺眉痕沁花影轉廊腰  
紅添酒面潮

又

縠紋波面浮鷓鴣蒲芽出水參差碧滿院落梅香柳  
梢初弄黃 衣輕紅袖皺春困花枝瘦睡起玉釵橫  
隔簾聞曉鶯

減字木蘭花夕七

荷花風細乞巧樓中涼似水天幕低垂新月彎環淺  
暈眉 橋橫烏鵲不負年年雲外約殘漏疎鐘腸斷  
朝霞一縷紅

又

疎疎密密簷蔭林中飛六出妬舞欺梅悠颺隨風去  
卻回 遙岑玉列不見雲中浮寸碧夜色清妍庭下  
交光月午天

卜算子

煙雨罨橫塘紺色涵清淺誰把并州快剪刀剪取吳  
江半 隱几岸烏巾細葛含風輒不見柴桑避俗翁

溪堂詞

三

心共孤雲遠

謁金門

簾外雨洗盡楚鄉殘暑白露影邊霞一縷紺碧江天  
暮 沈水煙橫香霧茗椀淺浮瓊乳臥聽鷓鴣啼竹  
塢竹風清院宇

好事近

疎雨洗煙波雨過滿江秋色風起白鷗零亂破嵐光  
深碧 荻花楓葉只供愁清吟寫岑寂吟罷倚闌無  
語聽一聲羌笛

清平樂

曉風殘角月裏梅花落宿雨醒時滋味惡翠被輕寒

漠漠 夢回一點相思遠山暗感雙眉不覺肌膚瘦  
玉但知帶減腰圍

又春情

花邊柳際已漸知春意歸信不知何日是舊恨欲拚  
無計 故人零落西東題詩待倩歸鴻惟有多情芳  
草年年處處相逢

醉桃源

花枝破蕾柳梢青春寒拂面輕一眉新月影三星銅  
荷燭燼零 低鳳扇裊霓旌珊珊環珮聲坐間誰識  
許飛瓊對郎仙骨清

又

溪堂詞

四

風飄萬點落花飛殘紅枝上稀平蕪葉上淡煙迷那  
堪春鳥啼 風細細日遲遲輕紗疊雪衣多情多病  
懶追隨玉人應恨伊

又雪

晨光曉色掃簷晶寒口蝶夢驚亂飄鴛瓦細無聲遊  
颺柳絲輕 書幌冷竹窗明柴門只獨扃一尊濁酒  
爲誰傾梅花相對清

武陵春

茶

畫燭籠紗紅影亂門外紫駟嘶分破雲團月影虧雪  
浪皺清漪 捧盃織織春筍瘦乳霧泛冰蕤兩袖清  
風拂袖飛歸去酒醒時

又送任民望  
歸豐城

拍岸蒲萄江水碧  
柳帶挽歸艍  
破悶琴風繞袖涼  
菽  
飛老鳳凰  
莫學野鴛鴦

柳梢青  
離別○時  
刻不載

香肩輕拍尊前  
忍聽一聲將息  
昨夜濃歡  
今朝別酒  
明日行客  
後回來則須來便去也  
如何去得無恨  
離情無窮  
江水無邊  
山色

西江月

落莫寒香滿院  
扶疎清影侵門  
雪消平野  
晚煙昏睡  
起懶勻檀粉  
皎皎風前玉樹盈  
盈月下冰魂  
南枝  
春信夜來溫  
便覺肌膚損瘦

溪堂詞

五

又

花額上堆翠葆  
遠山橫處  
星眸絳宮深鎖  
暮雲淨月  
破黃昏時候  
誰謂霞衣玉簡便  
孤彩鳳秦樓桃源  
不禁昔人遊  
曾是劉郎邂逅

又  
陳倅  
席上

窄袖淺籠溫玉  
修眉淡掃  
遙岑行時  
雲霧繞衣襟  
步蓮生宮錦  
菊與秋煙共晚酒  
隨人意俱深  
尊前有客  
動琴心  
醉後清狂不禁

又  
箏

寶柱橫雲雁影  
朱絃隔葉鶯聲  
風生玉指  
曉寒清官

樣輕黃袖冷 飲罷尙留餘意曲終自有深情歸來  
江上數峰青梅小橫斜夜永

又代人上許  
守生日

滴滴金盤露冷蕭蕭玉宇風清長庚入夢曉窗明淡  
月微雲耿耿 松竹五峰秋色笙歌三市歡聲華堂  
開宴擁娉婷天上人間共慶

又送朱  
泮英

青錦纏枝佩劍紫絲絡轡飛颺入關意氣喜生風年  
少胸吞雲夢 金闕日高露泣東華塵輭香紅爭看  
荀氏第三籠春暖桃花浪湧

又木芙蓉

溪堂詞

六

曉豔最便清露晚紅偏怯斜陽移根栽近菊花旁蜀  
錦翻成新樣 坐客聯揮玉塵歌詞細琢瓊章從今  
故事記溪堂歲歲攜壺共賞

又

木末誰攀新萼雪消自種前庭莫嫌開過尙盈盈似  
待詩人醉咏 霜後最添妍麗風中更覺娉婷影搖  
溪水一灣清妝罷曉臨鸞鏡

又

密雪未知膚白夜寒已覺香清振芳堂下月盈庭踏  
碎橫斜疎影 且醉杯中綠蟻休辭笛裏清聲東君  
催促子青青滋味要調金鼎

燕歸梁

六曲闌干翠幕垂香燼冷金猊日高花外嘯黃鸝春  
睡覺酒醒時草青南浦雲橫西塞錦字杳無期東  
風只送柳綿飛全不管寄相思

南歌子

春夜

雨洗溪光淨風掀柳帶斜畫樓朱戶玉人家簾外一  
眉新月浸梨花金鴨香凝袖銅荷燭映紗鳳盤宮  
錦小屏遮夜靜寒生春筍理琵琶

望江南

臨川好柳岸轉平沙門外澄江丞相宅壇前喬木列  
仙家春到滿城花行樂處舞袖捲輕紗漫摘青梅

溪堂詞

七

嘗煮酒旋煎白雪試新茶明月上簷牙

又

臨川好山影碧波搖魚躍冰池飛玉尺雲橫石嶺拂  
鮫綃高樹竹蕭蕭寒食近湖水綠平橋繁杏梢頭  
張錦旆垂楊陰裏繫蘭橈遊客解金貂

浪淘沙

上元

料峭小桃風凝淡春容寶燈山列半天中麗服靚妝  
攜手處笑語匆匆酒滴小槽紅一飲千鍾銅荷擎  
燭絳紗籠歸去笙歌喧院落月照簾籠

鷓鴣天

桐葉成陰拂書簷清風涼處捲疎簾紅綃舞袖縈腰

柳碧玉眉峰媚臉蓮 愁滿眼水連天香箋小字倩  
誰傳梅黃楚岸垂垂雨草碧吳江淡淡煙

又

金節平分院落涼黃昏簾幕捲西廂冰輪碾破粼粼  
碧玉斧修成練練光 低照戶巧侵牀錦袍起舞謫  
仙狂鵲飛影裏觥籌亂桂子風前笑語香

又

紅暈香腮粉末勻梳妝閒淡穩精神誰知碧嶂清溪  
畔也有姚家一朵春 眉黛淺爲誰顰莫將心事付  
朝雲坐中有客腸應斷忘了醪醪架下人

又

溪堂詞

八

水闊天低雁字橫小春時節晚寒清梅梢月上紛紛  
白竹塢風來冉冉輕 人似玉酒如澗入關意氣喜  
風生坐中有客聯鑣去誰唱陽關第四聲

玉樓春

寒食

弄晴數點梨梢雨門外晝橋寒食路杜鵑飛破草間  
煙蛺蝶惹殘花底霧 東君著意憐樊素一段韶華  
天付與妝成不管露桃嗔舞罷從教風柳妬

又

王守生日

橫塘暈淺琉璃瑩綠葉陰濃庭院靜櫻桃熟後麥秋  
涼芍藥開時槐夏永 蓬萊閣下紅塵境青羽扇底  
搖鳳影庭前五樹一枝春香霧和煙新月冷

又

個中懷抱誰排遣  
惻惻輕寒風翦翦  
細香梅蕊晚香  
濃爭似柳梢春色淺  
嬌叱道字歌聲  
軟醉後微渦  
回笑靨更無卓氏白頭吟  
只有盧郎年少恨

又王守  
生日

青錢點水圓荷綠  
解籜新篁森嫩玉  
輕風冉冉棟花  
香小兩絲絲梅子熟  
華堂燭燼零金粟  
人在洞天  
三十六昭華吹徹篴聲寒  
聲入壽觴紅浪颯

鵲橋仙

蝶飛煙草鶯啼雲樹滿  
院垂楊陰綠輕風飄散  
杏梢紅更吹皺池波如縠  
珠簾日晚銀屏人散  
樓上醉

溪堂詞

九

橫霜竹一春若道不相思  
緣底事紅綃褪玉

虞美人

碧梧翠竹交加影  
簾紗幙冷疎雲淡  
月媚橫塘一陣荷花風起  
隔簾香雁橫天末無消息  
水闊吳山碧刺桐花上蝶  
翩翩唯有夜深清夢到  
郎邊

又

角聲吹散梅梢雪  
疎影黃昏月落英  
點點拂闌干風送清香  
滿院作輕寒花菱羯鼓  
催行酒紅袖摻搽手曲聲  
未徹寶杯空飲罷香熏翠  
被錦屏中

又

風前玉樹瑤金韻  
碧落佳期近疎雲影  
衰鵲橋低簷

外一彎新月印修眉 星河漸曉銅壺噎又是經年  
別此情莫與玉人知引起舊家離恨淚珠垂

南鄉子

美人

淺色染春衣衣上雙雙小雁飛袖捲藕絲寒玉瘦彈  
棋贏得尊前酒一卮 冰雪拂臙脂絳蠟香融落日  
西唱徹陽關人欲去依依醉眼橫波翠黛低

醉落魄

霜砌聲急瀟瀟疎雨梧桐溼無言獨倚闌干立簾捲  
黃昏一陣西風入 年時畫閣佳賓集玉人檀板當  
筵執銀瓶已斷絲繩汲莫話前歡忍對屏山泣

踏莎行

春思

溪堂詞

十

柳絮風輕梨花雨細春陰院落簾垂地碧溪影裏小  
橋橫青帘市上孤煙起 鏡約關情琴心破睡輕寒  
漠漠侵鴛被酒醒霞散臉邊紅夢回山蹙眉間翠

蝶戀花

春景。草堂作鳳樓梧

豆蔻梢頭春色淺新試紗衣拂袖東風軟紅日三竿  
簾幕捲畫樓影裏雙飛燕 攏鬢步搖青玉碾缺樣  
花枝葉葉蜂兒顫獨倚闌干凝望遠一川煙草平如

翦

臨江仙

重九

木落江寒秋色晚颼颼吹帽風清丹楓樓外搗衣聲  
登高懷遠山影雁邊橫 露染宮黃庭菊淺茱萸煙

拂紅輕尊前誰整醉冠傾酒香熏臉落日斷霞明

又

玉樹臨風賓欲散黃昏約馬嘶庭幽歡未盡有餘清  
瓊糜方一啜銀燭已雙擎坐久香津生齒頰何須  
五斗消醒豔歌聲裏醉魂醒明年思此會旌旆想登  
瀛

七娘子

風翦冰花飛零亂映梅梢素影搖清淺繡幄寒輕蘭  
熏煙暖豔歌催得金荷捲游梁已覺相如倦憶去  
年舟渡淮南岸別後銷魂冷猿寒雁角聲只送黃昏  
怨

溪堂詞

十一

漁家傲

漁父

秋水無痕清見底蓼花汀上西風起一葉小舟煙霧  
裏蘭棹艤柳條帶雨穿雙鯉自嘆直鉤無處使笛  
聲吹徹雲山翠鱸落霜刀紅縷細新酒美醉來獨枕  
莎衣睡

青玉案

蘆花飄雪迷洲渚送秋水連天去一葉小舟橫別浦  
數聲鴻雁兩行鷗鷺天淡瀟湘暮蓬窗醉夢驚簫  
鼓回首青樓在何處柳岸風輕吹殘暑菊開青蕊葉  
飛紅樹江上瀟瀟雨

江神子

別情

一江秋水碧灣灣繞青山玉連環簾幕低垂人在畫  
圖閒閒抱琵琶尋舊曲彈未了意闌珊 飛鴻數點  
拂雲端倚闌看楚天寒擬倩東風吹夢到長安恰似  
梨花春帶雨愁滿眼淚闌干

又春思

杏花村館酒旗風水溶溶颺殘紅野渡舟橫楊柳綠  
陰濃望斷江南山色遠人不見草連空 夕陽樓外  
晚煙籠粉香融淡眉峰記得年時相見畫屏中只有  
關山今夜月千里外素光同

千秋歲

夏景

棟花飄砌蔌蔌清香細梅雨過蘋風起情隨湘水遠

溪堂詞

十二

夢繞吳峰翠琴書倦鷓鴣喚起南窗睡 密意無人  
寄幽恨憑誰洗修竹畔疎簾裏歌餘塵拂扇舞罷風  
掀袂人散後一鉤淡月天如水

驀山溪

月夜

霜清木落深院簾櫳靜池面捲煙波瑩香水一盞明  
鏡修筠拂檻疎翠挽嬋娟山霧斂水雲收野闊江天  
迴 紅消醉玉酒面風前醒羅幕護輕寒錦屏空金  
爐燼冷星橫參昴梅徑月黃昏清夢覺淺眉顰窗外  
橫斜影

溪堂詞終

時本溪堂詞卷首蝶戀花以迄禪尾望江南共六十  
有三闕皆小令輕倩可人中間字句舛繆無從攷索  
旣獲溪堂全集末載樂府一卷今依其章次就梓近  
來吳門抄本多花心動一闕其詞云風裏楊花輕薄  
性銀燭高燒心熱香餌懸鉤魚不輕吞辜負釣兒虛  
設桑蠶到老絲長絆針刺眼淚流成血思量起拈枝  
花朵果兒難結海樣情深忍撇似夢裏相逢不勝歡  
悅出水雙蓮摘取一枝可惜並頭分拆猛期月滿會  
姮娥誰知是初生新月折翼鳥甚是於飛時節疑是  
贗筆不敢溷入附記以俟識者湖南毛晉識

